

ՀԱՇՎԵՏՎՈՒԹՅՈՒՆ

Ջարգացման ծրագրերի մշակման և իրականացման բաժնի 2023 թվականի 1-ին կիսամյակի ընթացքում իրականացրած գործունեության վերաբերյալ

Հաշվետու ժամանակահատվածում իրականացվել են 2022 թվականի տարեկան գործունեության ծրագրի մշտադիտարկման, մարզի փոքր և միջին ձեռնարկությունների մասին տեղեկատվության ստացման և վերլուծության աշխատանքներ:

Կատարվել են մարզի փոքր և միջին ձեռնարկատիրության ծրագրերի առաջնահերթությունների և գերակայությունների որոշման, զարգացման ծրագրերի քննարկման աշխատանքներ: Ապահովվել է փոքր և միջին ձեռնարկությունների ոլորտով զբաղվող նախարարությունների, գերատեսչությունների, մարզային կառույցների և հասարակական կազմակերպությունների միջև համագործակցությունը:

Կազմակերպվել են մարզի ընթացիկ և հեռանկարային սոցիալ-տնտեսական զարգացման ծրագրերի մշակման, ծրագրերի նախագծերի քննարկման համար անհրաժեշտ փաստաթղթերի, զեկուցման նյութերի հավաքագրման, պատրաստման աշխատանքները:

Կազմակերպվել և իրականացվել են տնտեսական վիճակի վերլուծություն, ծրագրերի կատարման ընթացքի և արդյունքների վերլուծության աշխատանքներ:

Իրականացվել են եռամսյակային հաշվետվությունների կազմում և վերլուծություն:

Զբոսաշրջության բնագավառի պետական քաղաքականության իրականացման նպատակով ապահովվել է բոլոր շահագրգիռ կողմերի՝ պետական կառավարման ու տեղական ինքնակառավարման մարմինների, մասնավոր հատվածի և բնակչության ակտիվ ու արդյունավետ համագործակցությունը, որն էլ նպաստել է զբոսաշրջիկների թվի աճին:

Մարզում զբոսաշրջության առավել զարգացման և աշխուժացման նպատակով մասնակցել է ներդրումային ծրագրերի կազմման և մշակման աշխատանքներին:

Աշխատանքներ են կատարվել մարզի մոտ 1400 պատմամշակութային և ճարտարապետական հուշարձանների, բնական տեսարժան վայրերի, բուսական և կենդանական աշխարհի բազմազանության, էկոլոգիապես մաքուր մթերքների արտադրության, առողջարանների և հանգստյան գոտիների ճանաչվածությունը և ձմեռային զբոսաշրջության համար նրանց կարողությունները պատշաճ ներկայացնելու ուղղությամբ՝ դրանով իսկ մարզը դարձնելով զբոսաշրջության համար գրավիչ և նպաստավոր տարվա 4 եղանակների համար:

ՀՀ էկոնոմիկայի նախարարության զբոսաշրջության պետական կոմիտեի հետ համատեղ քննարկվել են Վայոց ձորի տուրիստական այլընտրանքային եղանակների զարգացման ուղղությունները, հեռանկարները և իրականացման ռազմավարությունը, ինչպես նաև պարբերաբար մշակվել են հյուրատների զարգացման ծրագրեր:

Ակտիվորեն մասնակցել է ՀՀ ԷՆ զբոսաշրջության կոմիտեի կողմից ներքին զբոսաշրջության խթանման նպատակով կազմակերպված «Ճանաչիր Հայաստանը» խորագրով ցուցահանդեսի իրականացման աշխատանքներին՝ լավագույնս ներկայացնելով մարզի զբոսաշրջային ներուժը:

Մասնակցել է Հայաստանի Հանրապետության զբոսաշրջության զարգացման 2024-2028 թվականների ռազմավարության մշակման աշխատանքներին:

Մասնակցել է Վայոց ձորի զբոսաշրջային քարտեզի ռեսուրսների հավաքագրման աշխատանքներին:

ՀՀ էկոնոմիկայի նախարարության զբոսաշրջության կոմիտեի համապատասխան աշխատակիցների հետ քննարկվել է «Զբոսաշրջային կլաստերների զարգացման» հայեցակարգը, և ներկայացվել առաջարկներ:

Մասնակցել է Ճապոնիայի դեսպանատան կողմից կազմակերպվող դրամաշնորհային ծրագրերի տեղեկատվական հանդիպմանը և շարունակական աշխատանքներ է կատարել համայնքների կողմից ներկայացվող դրամաշնորհային ծրագրերի մշակման ուղղությամբ:

Ընթացիկ աշխատանքներ են կատարվել Երևան–Մեղրի ճանապարհից հեռու գտնվող զբոսաշրջային հետաքրքրություն ներկայացնող պատմամշակութային հուշարձանների ենթակառուցվածքները զարգացնելու, ինչպես նաև նրանց մասին համարժեք տեղեկատվության տարածումն ապահովելու ուղղությամբ՝ նպաստելով նաև էկոտուրիզմի, բնական տուրիզմի, արկածային տուրիզմի, գաստրոտուրիզմի, գիտական տուրիզմի, անձավագիտական տուրերի, լեռնային և հետիոտն երթերի, կանիոնինգի (ժայռամագլցման), ձկնորսության, պատմամշակութային տուրիզմի զարգացմանը:

Արտաքին կապերի զարգացման արտասահմանյան և միջազգային կազմակերպությունների հետ գործնական փոխշահավետ կապերի ստեղծման ուղղությամբ պարբերաբար իրականացվել են աշխատանքներ:

Աշխատանքներ են կատարվել հայ-լեհական, հայ-բելառուսական, հայ-չինական, հայ-բուլղարական, հայ-ուկրաինական, հայ-լատվիական տնտեսական համագործակցության արձանագրությունների կետերի կատարման ուղղությամբ, որոնց շրջանակներում մասնակցություն է ապահովվել միջազգային կազմակերպությունների կողմից կազմակերպված առցանց սեմինարների, հանդիպումների, քննարկումների և դասընթացների:

Մշտական ուշադրության կենտրոնում են գտնվել բազմակողմանի համագործակցային հարաբերությունների զարգացումն ու խորացումը Իրանի Իսլամական Հանրապետության Խոյ քաղաքի կուսակալության, ՌԴ (Նիժնի-Նովգորոդի և Արխանգելսկի մարզ), Բելոռուսիայի Հանրապետության (Մինսկի) հետ:

Պարբերաբար մշակվել և ՀՀ ՏԿԵՆ է ներկայացվել 2022թ. հունիսի 29-30-ը Լիոնում կայացած հայ-ֆրանսիական ապակենտրոնացված համագործակցության վերաբերյալ տեղեկատվություն:

Մասնակցել է Հայաստանի և Ֆրանսիայի միջև ապակենտրոնացված համագործակցության ընդլայնման քաղաքականության շրջանակներում մայիսի 2-ին Օ-դը-Ֆրանս շրջանային խորհրդի նախագահ Քզավիե Բերտրանի գլխավորած պատվիրակության ընդունման նախապատրաստական աշխատանքներին:

Մասնակցել է Վայոց ձորի մարզի և Չինաստանի Ժողովրդական Հանրապետության Անհոյ նահանգի միջև Բարեկամական հարաբերություններ հաստատելու մտադրության մասին հուշագրի կնքման նախապատրաստական աշխատանքներին և ընթացքին:

Վայոց ձորի մարզը մշտապես կարևորում է սփյուռքահայերի, սփյուռքի կառույցների և հատկապես գործընկեր մարզերում հայկական համայնքների հետ աշխատանքի դերը ինչպես Հայաստան-Սփյուռք գործակցության, այնպես միջտարածաշրջանային համագործակցության ամրապնդման և զարգացման գործում, որի արդյունքում ամուր կապեր են հաստատվել արտասահմանում գտնվող հայ համայնքների և կառույցների հետ:

2022 թ. ՀՀ համայնքների տնտեսական և սոցիալական ենթակառուցվածքների զարգացմանն ուղղված սուբվենցիայի հայտերի գնահատման միջգերատեսչական հանձնաժողովի կողմից պայմանով և առանց պայմանի հաստատվել են **27 ծրագիր՝ 3 մլրդ 825,7 մլն ՀՀ դրամ արժողությամբ, որից 1 մլրդ 685,9 մլն ՀՀ դրամը կամ 44,1 %-ը համայնքների ներդրումն է, 2 մլրդ 139,7 մլն ՀՀ դրամը կամ 55,9 %-ը՝ սուբվենցիայի գումարն է:**

27 սուբվենցիոն ծրագրերից իրականացվել են **21-ը՝ 1 մլրդ 329 մլն ՀՀ դրամ արժողությամբ, որից համայնք՝ 551 մլն ՀՀ դրամ (41,5%), սուբվենցիա՝ 778 մլն ՀՀ դրամ (58,5%):** Ընդհանուր առմամբ իրականացվել է **44 ենթածրագիր:**

2022 թվականի ընթացքում իրականացված ծրագրերն՝ ըստ համայնքների

Եղեգնաձոր համայնք՝ 8 ծրագիր՝ շուրջ 565 մլն ՀՀ դրամ արժողությամբ

Արենի համայնք՝ 5 ծրագիր՝ շուրջ 440 մլն ՀՀ դրամ արժողությամբ

Եղեգիս համայնք՝ 4 ծրագիր՝ շուրջ 271 մլն ՀՀ դրամ արժողությամբ

Վայք համայնք՝ 4 ծրագիր՝ շուրջ 104 մլն ՀՀ դրամ արժողությամբ

2023 թվական տեղափոխված ծրագրերն՝ ըստ համայնքների

2022 թվականից 2023 թվական տեղափոխվել է **6 ծրագիր և 3 ենթածրագիր՝ 1 մլրդ 270 մլն ՀՀ դրամ արժողությամբ:**

- **Ջերմուկ համայնք՝ 2 ծրագիր**

1. **Ջերմուկ քաղաքի Մյասնիկյան փողոցի սկզբնամասում գտնվող Վ.**

Սարգսյանի անվան զբոսայգու բարեկարգման աշխատանքներ, Ջերմուկ

քաղաքի Ազատամարտիկների պուրակի բարեկարգման աշխատանքներ /ծրագիր՝ շուրջ 44 մլն ՀՀ դրամ արժողությամբ/։ Աշխատանքներն ընթացքի մեջ են, կատարվել են 67%-ով։

2. Ջերմուկ համայնքի կարիքների համար մեքենասարքավորումների ձեռք բերում /ծրագիր՝ շուրջ 116,5 մլն ՀՀ դրամ արժողությամբ/։ Նախապատրաստվում է մրցույթի։

- **Վայք համայնք՝ 1 ծրագիր և 1 ենթածրագիր**

1. Վայք համայնքի Վայք քաղաքի Վ. Համբարձումյան փողոցի, Ջերմուկ խճուղու, Փոռ բնակավայրի, Սարավան-Սարալանջ բնակավայրի գազատարեր տեղադրելու աշխատանքներ /ծրագիր՝ շուրջ 76 մլն ՀՀ դրամ արժողությամբ/։ Համայնքի բյուջեում գումար չլինելու պատճառով ծրագիրը չի իրականացվում։
2. Վայք համայնքի Շահումյան փողոցի ասֆալտապատում /ենթածրագիր՝ 407 մլն ՀՀ դրամ արժողությամբ/։ Աշխատանքներն ընթացքի մեջ են, կատարվել են 65%-ով։

- **Արենի համայնք՝ 2 ծրագիր**

1. Արենի համայնքի Ելփին բնակավայրում մանկապարտեզի շենքի կառուցում /ծրագիր՝ շուրջ 76 մլն ՀՀ դրամ արժողությամբ/։ Աշխատանքներն ընթացքի մեջ են, կատարվել են 13%-ով։
2. Արենի համայնքի Աղավնաձոր բնակավայրում 25-րդ փողոցի, 3-րդ փողոցի վերջնամասի և 1-ի փողոց 4-րդ փակուղու Արփի բնակավայրում 1-ին փողոցի 700 գծմ հատվածի ասֆալտապատում /ծրագիր՝ շուրջ 195 մլն ՀՀ դրամ արժողությամբ/։ Աշխատանքներն ընթացքի մեջ են, կատարվել են 61%-ով։

- **Եղեգնաձոր համայնք՝ 1 ծրագիր և 2 ենթածրագիր**

1. Մյասնիկյան փողոցի ասֆալտապատում /շուրջ 50,8 մլն ՀՀ դրամ արժողությամբ/։ Աշխատանքներն ընթացքի մեջ են, կատարվել են 95%-ով։

2. Եղեգնաձոր համայնքի Վերնաշեն բնակավայրի ջրամատակարարման վերակառուցման աշխատանքներ /շուրջ 41,3 մլն ՀՀ դրամ արժողությամբ/: Աշխատանքներն ընթացքի մեջ են, կատարվել են 85%-ով:
3. Եղեգնաձոր համայնքի Գետափ բնակավայրի ներհամայնքային փողոցների ասֆալտապատում ծրագիր՝ /շուրջ 264,3 մլն ՀՀ դրամ արժողությամբ/: Մրցույթ դեռ հայտարարված չէ:

2023 թվականին կատարած սուբվենցիոն ծրագրերի վերաբերյալ

2023 թ. համար մարզի համայնքների կողմից մարզպետարան է ներկայացվել **29 սուբվենցիոն հայտ (Եղեգնաձոր՝ 1 ծրագիր, Զերմուկ՝ 4 ծրագիր, Վայք՝ 12 ծրագիր, Արենի՝ 7 ծրագիր, Եղեգիս՝ 5 ծրագիր)՝ 4 մլրդ 362 մլն ՀՀ դրամ արժողությամբ, որից 1 մլրդ 911 մլն ՀՀ դրամը կամ 43,8 %-ը համայնքների ներդրումն է, 2 մլրդ 451 մլն ՀՀ դրամը կամ 56,2 %-ը՝ սուբվենցիայի գումարն է:**

ՀՀ պետական բյուջեից համայնքներին սուբվենցիաների տրամադրման կարգը հաստատելու մասին ՀՀ կառավարության 2006 թվականի նոյեմբերի 16-ի N 1708-Ն որոշման մեջ փոփոխություններ և լրացումներ կատարելու մասին ՀՀ կառավարության 2022 թվականի հունիսի 23-ի N 940-Ն որոշման համաձայն՝ վերոնշյալ հայտերի շրջանակներում համայնքները հասցրել են ներկայացնել **12 սուբվենցիոն ծրագրերի** ամբողջական փաթեթներ, որոնցից **10 ծրագիր** /ընդհանուր արժեքը՝ շուրջ **752,4 մլն ՀՀ դրամ**, ՀՀ պետական բյուջեի համաֆինանսավորում՝ **485,7 մլն ՀՀ դրամ**, ՀՀ համայնքների համաֆինանսավորումը՝ **266,7 մլն ՀՀ դրամ**/ հաստատվել են ՀՀ համայնքների տնտեսական և սոցիալական ենթակառուցվածքների զարգացմանն ուղղված սուբվենցիայի հայտերի գնահատման միջգերատեսչական հանձնաժողովի կողմից:

3 ծրագրի շրջանակներում շինարարական աշխատանքներն արդեն մեկնարկել են, **6 ծրագրի** շրջանակներում կնքվում են համաձայնագրեր, իսկ **1 ծրագրի** համար հայտարարվել է նոր մրցույթ:

2024 թվականին հաստատված սուբվենցիոն ծրագրերի հայտերի

վերաբերյալ

2024 թ. համար մարզի համայնքների կողմից մարզպետարան է ներկայացվել **22 սուբվենցիոն հայտ** (Եղեգնաձոր՝ 5 ծրագիր, Ջերմուկ՝ 3 ծրագիր, Վայք՝ 6 ծրագիր, Արենի՝ 5 ծրագիր, Եղեգիս՝ 3 ծրագիր)՝ **2 մլրդ 972 մլն ՀՀ դրամ** արժողությամբ, **որից 1 մլրդ 303 մլն ՀՀ դրամը կամ 43,8 %-ը համայնքների ներդրումն է, 1 մլրդ 669 մլն ՀՀ դրամը կամ 56,2 %-ը՝ սուբվենցիայի գումարն է:**

**Զարգացման ծրագրերի մշակման և իրականացման
բաժնի պետ**

Ա. Կոստանյան

18.07.2023